

新刻羣音類選

新刻羣音類選卷十六

虎林 胡氏 文會堂 校選

金環記

花園邂逅

駐雲飛春景繁華倦繡停鍼來看花移步花陰下行
過茶藤架茶亂卉翦雲霞香清檀麝萬紫千紅粧點
春無價可愛園林景最佳前腔輕薄楊花飛入園亭
亂似麻隨舞風飄耍怎把身沾惹茶看取海棠花妖
嬈如畫一朵紅英獨自開臺榭國色天姿絕點瑕

釵釧記

遺婢訂約

傍粧臺無語畫樓栖，見暮雲天外，嘒嘒雁聲悲。猛聽得金砧韻，他那裡，搗寒衣。倦翔寡鶻隨雲沒，驚睡鴛鴦踏水飛。合清秋時緒，自覺慘悽，教人消瘦減香肌。
前腔沉吟獨倚遍窗圍，見芙蓉江上，含雨濕胭脂。猛聽得笙歌沸，他那裡，有玉人歸。傷心懶把菱花照，玩物慵將鍼線提。合前

大迓鼓非奴心意偏，怕網常倫理，一旦乖蹇，况兼他才學非痴，偃又是喬木名家奕世傳。合這段姻緣實難改遷。前腔姻緣雖在天，但他眼前貧困，誰不輕賤。

料想他們非分淺，爾又是金石同盟志益堅，合前

使女傳約

一江風景淒淒，觸目傷心處，楓葉飄飄，篋無資，旅食無魚，埋沒了馮驩志，金風透玉肌，金風透玉肌，身披絺綌衣，柰梧桐雨過愁千縷。

賺抹轉街衢，蓮步忙移不敢遲，芹宮裡揚聲吐氣進門間，是伊誰不知為甚來家裡，敢問娘行是阿誰聽，咨啓奴是史門侍女來傳語，望勿疑忌，望勿疑忌，前腔有失迎趨，何事勞卿顧草廬，來傳語，有樞密求親改嫁伊，親家處緣何變亂，綱常禮擬定姻緣難改移。

逆倫義只因家貧受侮遭輕覷你且免嗔聽啓免嗔
聽啓解三醒俺小姐為伊憂慮想你囊無半點餘資
約中秋十五夜到花園內要贈爾寶和珠若得我賢
哉媳婦存節志多管是家門積慶餘合吾私喜吾私
喜怎能勾佳兒佳婦同奉甘肥光光乍安人聽咨啓
你且莫意躊躇教他莫向人前通私語合倘泄漏風
聲難成濟前腔一言牢記取至囑我孩兒臨期悄地
尋踪入合前尾聲謝卿卿來點指擡身移步拜辭歸
只恐娘行等久時

風入松肥甘缺奉我親幃衰顏白髮須知曾參善養

銘心記何日得同諧鴛侶甚日得赴試彤庭盡孝全
忠兼美臣子道兩無虧

好姐姐試聽妻家有人約中秋將金相贈伊須前去
休教辜此情合成歡慶賢哉懿婦生憫期待身榮
報大恩前腔孩兒秉心致誠柰點額孝心未盡感賢
妻怜恤密約贈我金合前

使女覆命

三郎神聽伊語心似麻俄然泪灑誰念你孤貧形影
寡你那知我芳心瑩潔無瑕聽玉漏聲催懶去臥却
不耽閣人施恩惠也你休聒我何心戀着賞玩教人

恨着嫦娥前腔堪誇你嬌妖淑質真烈非假你只念
着荆釵心未妥我是塵凡女怎學得瓊苑仙葩他為
你瘦損容顏無奈何况教子勤勞自固你且看着那
書生勤勞經史終有發奮騰達（貓兒墜）尋思他母子
使我又添嗟飽學書生未奮達致令人哂慢儒家嗟
呀告蒼天愿早掛荷衣名題雁塔（前腔）聽麗樵頻促
不覺已三過看斗轉參橫月影斜想他否極還泰必
榮華休嗟終有日母子夫妻共樂無涯（尾聲）氣清處
銀河瀉譙鼓咚咚又四下數盡更籌未睡也

書館露機

降黃龍禹夏商周二帝三皇聖聖相繼臯陶伊尹臯
陶伊尹傳說周公是輔弼王臣詳論帝堯置曆神禹
治水萬世沾恩尚書內良臣聖主同道同心前腔易
經伏羲畫卦文王繫辭孔子象形爻辭小象爻辭小
象開示蘊奧周孔叮嚀涵泳乾坎艮震巽離坤兌八
卦攸分易書內探微闡幽難察難精滾你心虛識見
廣我志窄知機少若非藥石言險被人傾勦祖宗積
慶皇天有道蒙指教不遭謀見計高前腔忝與幼同
學契結非一朝患難當扶持方盡朋友道你且藏踪
隱跡他敢別調寫情詞告官府管同諧老尾聲這場

姻事非輕小萬金軀被人欺眇直待紫閣名登方把
此讐報

誤投釵釧

梁州序 碧天霞落長空雲斂一片冰輪舒展藍橋亭
畔乘槎擬約同歡只見銀涵華屋涼透香肌露濕闌
杆冷夜深苔更滑步輕款月到天心分外圓合情懷
暢心慵懶向朱扉綉戶閑凭遍清意趣少人見前腔
蟾明簾幙桂香宮殿萬頃流霞光泛瑤池仙侶撩雲
撥霧同歡只見爛斑珠斗清淺銀河縹渺江山遠起
舞弄清影不勝寒月轉西樓人未圓合前前腔告官

人聽啓奴言、因何事顧遲姻眷、我娘行思念、姑已衰
年、多謝得卿卿、念若得週全、此事恩非淺、一鞍還
一馬、怎肯再移天、你及早催親、莫滯延、合前前腔小
亭中、驀見嬋娟、頓教人情牽心亂、和你對月、明作証
鳳倒鸞顛、只見玉簫三弄、烏鵲雙飛、良夜情無限、他
操持賢與節、使我好羞慚、却作南柯一夢圓、合前節
節高嫦娥愛少年、把玉輪、乘風飛下離瓊苑、神仙
眷鸞鳳、翩雨雲亂、慙慙自覺情留戀、蓬萊閣苑、真堪
羨、只恐相逢似夢中、別時不久、重相見、前腔空勞到
此間、好姻緣、涼亭一會空留戀、辭仙眷、眼望穿、口空

燕看他齊齊整整烏雲鈿，婷婷嫋嫋芙蓉臉，果是相逢似夢中，別時怎得重相見。
尾聲今宵悞入天台院，好姻緣番作惡姻緣，我使盡心機都枉然。

使女催婚

入破小姐命奴問取安人，何不行婚禮，使他心中憂慮。這段姻親為窘迫無週備，朝想暮思，承望吾兒名遂方行娶你小姐，不知是何意。我那日來約你秀才親到花園內安人，你何故心瞞昧，爾休誑言。我兒行鑽穴踰牆，決不為不是賢郎。是阿誰滾聽汝言詞，聽汝言詞，我盡知你暗地施謀計，為改嫁樞密，為改嫁。

樞密要悔親賺吾兒兒若來時命難存矣那晚園中
那晚園中他覲面夫妻相會憐乏聘釵釧白銀一一
付與前腔又說卽日成親又說卽日成親到如今好
意番成惡意他節操堅持他節操堅持遺二天損名
譽只是枉費他心只是枉費他心不能全節義你姦
騙錢財你可閑聒甚的尾聲你休得浪把言相對設
機謀造言生事湛湛青天不可欺

復命題詩

稱人心山盟虛誑月下恩情撒樣到園亭贈伊財物
都不想君子輩小人行教人懸望他母子如何說向

那安人瞞心昧已盡胡言反說你要配國相賺他行
後園謀取他說那晚間何曾趨往紅衫兒聽伊語心
痛傷薄倖才郎頓使奴懊恨空教人妄想只為愛富
嫌貧把我名節損傷你休得要埋怨爹行恨只恨寒
儒不良醉太平惆悵心中自想枉教人使盡柔腸怎
不學荀彧番做了王魁義負盟忘思量不如一命喪
長江免得把青蠅來玷休得惆悵他負心爾且空從
順爹娘

江頭金桂寫罷新詩愁悶不由人泪暗傾教奴怎做
蕩婦為此遣妾傳音只為網常不亂倫和你月下同

情相逢有幸，你受了白銀釵釧，面喻催親，誰知他那
裡爽舊盟，嘆寒儒薄行，嘆寒儒薄行，何當福分，豈不
玷污了賢名，到如今，猛拚一命歸黃土，畱取丹心照
汗青，前腔非是我悖違家訓，只為堅操不易心，是你
貪榮要改嫁，將奴凌併，誓死也難從命，若待嫁歸公
卿，怕人評論，你不猜疑着我，仍遣我嫁書生，那時節
依然兩箇歸畫屏，椿萱老景，椿萱老景，怎忍拋浪惹
得萬里傳聲，正是視死輕如羽，須信綱常抵萬金。

碧桃投江

綿搭絮夜深風冷，天氣正愁人，潛出香閨無語，傷情

暗泪零步難行院宇深沉，奴有一腔心事，誰與我支分。想只是命運遭逢，做了雨打梨花深閉門。前腔輕輕悄悄，離了家庭，只慮我的椿萱年老，無兒少嗣，承非是我負親恩，只為處事無憑，怎教我做失節之女，敗壞彝倫，不如身喪江心，畱取芳名萬世稱。香柳娘見波濤戰驚，見波濤戰驚，泪沾脂粉，紅顏自古多薄命。恨兒夫負恩，恨兒夫負恩，脫賺背前盟，使我將身赴波濤，拚魚腹喪身，拚魚腹喪身，跳入滄津，免傷人。朝論臨江仙，心戚戚，泪漣漣，堅貞不敢再移天，慙慙囑付東流水，斷送我香魂返故園。

母氏送飯

(園林好)為家貧身無所倚論三餐不能度日焉有餘
資囑寄望怜憫感恩德望憐憫感恩德(前腔)痛孩兒
銜冤負屈日三餐教我衰年怎擺撥這苦向誰人分
說懸腸膽痛悲咽懸腸膽痛悲咽(江兒水)望你行方
便乞恕責你只可憐我娘兒孤苦無投說兒在獄中
愁腸結娘又在此添淒切對面相逢隔絕望乞慈悲
免把我天倫恩滅(玉交枝)兒遭冤厄受鞭撻如何捱
得單寒身已拘縲綫這一匙麥飯充饑你蓬頭垢面
受苛責我的肝腸寸寸如刀擊(合)這痛苦誰人可惜

這冤屈甚人可釋，前腔愁舒，泪息。我是不孝子罪深，惡極，三牲五鼎無承奉，反教娘受萬般悲戚。我不能效三遷，孟母慈，致令兒有遭刑日。合前江兒水，叫得我心如刺，珠淚滴，誰知道生擦擦半路在，圉圉拆，你死教娘如何立，頓教我戰戰驚驚，含怨西風泣痛念你衰年孤隻，我不久身亡，怎把你劬勞報得。香柳娘看悲啼可惜，看悲啼可惜，母孤子隻，逢人陷害冤深極，使我惻隱心，泪滴，惻隱心，泪滴，你去伸訴與欽差，必定有明白，謝監牢指明，謝監牢指明，倘御筆聚青龜，兒罪可驅滌。

得見釵釧

紅衲襖為甚的喜春容笑滿腮為甚的語言中恁瀟
灑莫不是加官進爵橫金帶莫不是捧黃麻又命差
念孩兒鎮日裡愁眉黛守節居孀有何喜來吾家舊
物何從也我為此釵兒起禍胎箭腔節守在空閨鎮
日樓遲流水無情花自飛兒志堅貞自守貧賤難移
今朝釵釧惹閑非痛隔天涯老景雙親相見稀今朝
覩物更添悲恨殺兒夫施短行恩情間阻骨肉離節
義兩無虧不必嗟呀當年月下是喬儒時忠韓姓今
拘罪適我方知

東甌令伊夫婿受顛連，汝父聞官遭極冤。恤刑究出真情也，况又科甲喜名聯。今朝釵釧喜重圓，終身不娶義兼全。前腔夫忠義婦貞堅，白璧一雙無玷染。舒懷休把眉顰蹙，合浦喜珠完。今朝骨肉喜團圓，端的好姻緣。劉潑帽心中悄悄思量遍，又恐他負却前緣。教人展轉生悲怨，合從此免熬煎。管復取延平劍，前腔華堂疾速開佳宴。請若水學士臨筵通謀便，可諧姻眷。合前

鮫綃記

瓊英閒步

倚粧臺轉重闌，惱人餘暑步慵移。常如醉原非酒，凝

是病又難醫，遊絲白日悠揚裡。乳燕歸巢對語時，心
休飄蕩，言不可追。雕籠鸚鵡近香閨，前腔一燈風雨
照書幃，半床殘夢都付與。五更雞秋信早，蛩先語，銀
河遠，鵲橋飛。人間獨客無知己，天上雙星有會期。潘
郎銷粉，沈腰減圍，并刀難斷藕心絲。入賺簾幙低垂，
人靜花深，晝漏稀。朱門啓，獸爐香藹，臥金猊，觀尊儀。
風搖碧縷，茶烟細，玉碗香浮，穀雨旗。枕方兒，海棠枝
上初分蕊，果然精製，果然精製。解三醒論人生陰陽
定位，有清濁動靜之機，閨門模範宗烈女，敦風化重
倫彞。人之節義非小事，玉價連城不可疵。合親鍼指

嘆光陰易去、花影頻移、前腔二典三謨、雖不解、四德
三從尊母儀、磨穿鐵硯、非吾事、主中饋、奉宗祀、絲蘿
訂盟休掛慮、甘旨關心、暮景時、合前尾聲、重門鎖鑰
深深閉、隔斷紅塵十里、任取東風檻外吹、

成婚被拿

排歌附木絲蘿、連雲鳳儔、恍然身在瀛洲、斑衣還向
客囊收、屏雀初開、日影浮、合催秦拍、因楚嘔、月中簫
管鳳凰樓、誇冰玉會、女牛、銀河一帶水、悠悠、前腔、身
案良緣、登雲勝遊、工容未解、藏羞、椿萱眉壽、正高秋、
井臼躬操、賦白頭、合前、前腔、柳絮才高、梅花賦、優瑩

然玉瓚黃流、溫臺已遂、室家謀、班筆須從、盛世投、**合**
前前腔喜遇中郎、何愁鄧攸、書香可紹、前修碧桃花
下促行騶、紅杏香中、躍紫騮、**合前**

賺嚴整戈矛、駕上差來、似虎彪、殺人大事、你同謀、住
行騶、一家骨肉、難分手、拔下金釵、可買求、好胡謔、朝
廷欽限、分時候、急忙擒走、急忙擒走、**皂角兒**你父親
遭人毒手、惡狠狠、不容分割、享膏粱、力怯體柔、怎當
得峻刑鞠究、細思量、腸割斷、淚空流、難搭救、老天相
祐**合**風吹雲散、兔隨鷹走、嘆人生、霎時興廢、水面浮
漚**前**腔孤獨、弱息女流、只落得、泪珠沾袖、怎做得

殞身報仇、心上火肺肝、合前透、禁門深、衣石甃、合前斫聲喧、
譙角奏、怎生消受、合前尾聲、平空霹靂顛風吼、好似
刀鋒利口、割斷心腸寸寸愁、

大理枉鞠

山坡羊、念從道襄陽住居、丙戌科叨登進士、蒙聖旨
除臨安府官、蒞政事三年許、忝舊知、瓊英配小兒、欲
諧秦晉、只為家狼狽、遣子求親、再無他意、合詳推望、
先生腐草餘、傷悲、這冤屈天地知、前腔念小人曾登
甲第、不授官、隱居田里、問寒暄、兼趨義方、在家下三
年矣、屢請期、這人情怎順依、他因不就、生惡意、他平

地生波駕空設計合前前腔念小人二十三歲到外
家趨庭學禮那鉏覓觸槐殞身那豫讓還挾匕我本
為一腐儒這逆天事怎敢為徒然打死成何濟吐盡
真言從伊區區合前前腔老親家你箕裘無繼我孩
兒方剛血氣論區區一葉此身就死也無他慮不合
遣小兒同謀刺那厮他兩人不得如吾意罪當情真
法難逃避合前

典刑遇赦

五更轉事到頭何須怨這行藏都在天含冤負屈遭
刑憲你若得還鄉恩仇須辨你途路上早晚間恐有

人謀陷(合)思量到此腸應斷、死別生離東流不轉、前
腔日近午、心攢箭、說不盡衷腸事萬千、一生父子止
有今日面、少刻之間、再難相見、生不事、死不葬、為我
遭誣陷(合前)

憶多嬌、頭似折、毛孔裂、皮膚寸寸如火熱、七魄三魂
俱耗攝(合)戶盡門滅、戶盡門滅、這段冤仇怎雪、前腔
難擺撥、珠泪竭、叫天不應、喉閉咽、救父無門、心迸血
合前(鬪黑麻)我死刀鋒、霎時氣絕、羅網難逃、千磨萬
折、冤屈事、向誰說、子去從軍、父遭取決(合)泰山崩裂、
海枯塵土結、霧漫青天、不分日月、前腔(合)父子恩情膠

濃火熱對眼睜睜，怎生棄椒誰收取，而曹血死不餘
屍地魚葬穴，合前

山坡羊 步難移，心驚肉戰，眼昏花，天番地轉，深恩再
結來生愿，吾生恐不能久延，路幾千，盤纏無半錢，軍
中禍福不測，風雲變，父子東西再難相見，免憂煎，且
隨時度暮年，憂煎未來事皆在天。

免婚傷氣

青衲襖，登着百尺樓，方覺星斗寒，坐在春風中，始慚
窺豹管，漢文章未必稱劉向，晉蒼生誰不仰謝玄，枳
棘樹豈能栖鳳鸞，紅雨後蛟龍騰碧漢，前席終須侍

帝王前腔我也曾向日邊拂着紅杏看我也曾肅鸞
行趨御仗我也曾騎驄馬傾人膽我也曾邁彝倫頂
着鐵豸冠辟奸邪扣陛陳虞諫貶遐荒豈能濯肺肝
我利器盤根始見難前腔我也曾冒風霜提兵夜渡
關我也曾望狼烟吐哺朝持戰受盡苦中苦難上難
俺是將門種今做官上官武陵隔斷人難見鵲橋高
秋信遠欲借婚書月下觀前腔你歸王化全不知律
法嚴你違法度把風俗變我一管筆不換你千金劍
我三寸舌猶勝你百世官敗軍將自能持節憲面金
鑿親把黑白辨湛湛難欺頭上天

慶壽搶燈

絳黃龍華誕元宵，月滿星稀，碧空雲渺，燈輝燭燦，看
人間天上，瑞烟飛遶，鮫綃冰壺織就，聊致春暉寸草。
合仰丘山雲開南極，壽星高照，前腔彌高福壽滔滔，
功業巍巍，可追伊呂，丹青小畫，致微忱供獻，碧山元
老，堪描東都方朔，曾偷三度蟠桃，合前前腔唯馬交白
髮蕭蕭，齊眉舉案，百年諧老，雖居遐寓，對壺觴不覺
頓開懷抱，蕭韶南山飛曲，鶴駕可通蓬島，合前前腔何勞
惠我瓊瑤，慚愧庸迂，孔融難效，同趨歸計，那時節重
見故山華表，休焦否極還泰，閑情多付村醪，合前滾

奇山駕海鰲，奇山駕海鰲。信息傳青鳥，雜錦奇絲奪。
盡人間巧，樂處傷悲，不由悲悼。人別後，竟不歸春，又
到前腔。休將玉筯拋，休將玉筯拋。且把愁眉掃，四美
難并，對月同歡笑。月缺還圓，陰晴難料。千萬事，付醉
鄉都忘了。前腔清光此夜皎，清光此夜皎。燈市人喧
鬧，聽鼙鼓，駢闐樂奏。鶯聲巧，惟願年年燈花人貌。歌
壽曲，唱新詞，翻別調。前腔清光炫錦袍，清光炫錦袍。
彩色侵庭燎，歌舞畱人，何處雞聲早。銀海模糊，玉山
頹倒，榮與辱，數在天，何足較。尾聲故違軍法，欺權要，
今日落吾圈套。律法須知有正條。

鮫綃會合

普天樂 元宵禁約嚴巡捕、遵號令、皆安堵、這驛丞玩
侮法度、鰲山彩仗盈途、玩賞花燈、燃烟火、騷動居民
奔男婦、動狼烟、豈不招虜通倭、那時節、招兵起禍、那
鰲山見在、乞禁跋扈、前腔 元戎乞賜停威、怒擯秦檜、
遭遷播、恃兵權、違法可惡、瓊英頗有規模、容貌關心
生烈火、陷入機關、身摧故、那芳年、豈肯逐浪隨波、尼
姑寺裡、栖身脫躲、把鮫綃異物、乘勢劫虜、

大聖樂 無限事、萬千憂愁、向東風、付水流、若非仗義
驅猿、羨、饑鷹難脫手中鞵、若不做綠珠、墮閣香肌、朽

必去抱石投江隨浪走成歡偶把瑤琴錦瑟律呂重
奏前腔罄餘囊一似虛舟奉熬糞給歲謀他只為天
涯影分鸞鳳友為君家信斷鴈鴻秋終日裡形孤影
寡雙眉皺到今日天付良緣重聚首

步步嬌奸雄設計遭顛覆向邊塞親甲冑誰想尊翁
地下遊窮途母子勞相守合萍踪浪跡幾沉浮故鄉
有路重回首前腔家君極溺扶衰朽不避險祛夷寇
豐城劍合氣橫秋樂昌鏡在光依舊合前黃鶯兒設
意害孤囚轉陽和回大手黃金印賜懸如斗威傾虎
彪氣沖斗牛幽居寂寞難消受合泪盈眸今朝會合

喚起舊時愁、前腔駟馬下神州、向金門、拜冕旒、把奸
雄、陷溺陳敷、奏孽債已酬、天道已周、前程負努歸清
畫、合前

紫簫記

霍王感悟

惜奴嬌、薰色娥、媚雲歌、月豔、并在今朝、瑤臺畔、逐勝
等閑歡笑、嬌饒、白雪吹香、清曠送巧、半束煙綃、飄搖
春韻、軟粉酥融、蚤年風調、前腔、難饒、貴人頭上、便春
風幾度、難消、年少暗拋、紅豆相調、俊俏寶袂、沾雲、紅
絲串露、轆轤春曉、還笑、洞房中空、秘戲正落、得素女

圖描闕寶蟾總饒雲翹細腰儘翠鞵紅殷都成別掉
對迎風舊館昨陽故連雨眺看邨第樓臺疊紅塵多
少影蕭條厭驚笙鳳撥猿林雁沼前腔王喬相邀路
遙遠碧落朝敲明星夜醮勝高唐閒夢洛浦空挑須
曉總愛海千層浮生一了自逍遙看枉嶺參差芝樓
窈窕黑麻序雲霄看千秋有靈氣何事燕昭妙舞旋
懷少不得夜蛾分照堪笑月華姬叢臺女之教氣分
銷為誰嬌到不如雲裡金雞洞中青鳥前腔悲悄辟
邪旗珠絡褱榮華夢斷雨零雲教人困咽無聊奇
妙玉姜飛靈藥搗凌風帶月飄冷春宵怎禁北斗停

春西王侍嘯尾聲便換金巾脫絳袍又何用武陵屣
導免得你銅雀西陵恨寂寞

小玉插戴

二郎神紗窓內碧珊瑚看菱花露彩轉片月寒空生
碧海姮娥相對曉雲初弄瑤臺瀉翠窺紅鸞倚態照
澄心冰壺久耐影徘徊看明朝雙笑人來前腔威蕤
玉花兒貫珠題翠當鏤素燕差池銜細葢玲瓏纈紐
璫抽寶纈毳毳慢簇輕搖垂鬢彩插纖梁蟬鬆膩解
謾推排雲橫處枕側檀痕風入松軟雕湖帶笑與郎
吹點銀瓶玉蕤葡萄卓女燒春在願舉案齊眉看待

唱關雎酌彼金罍餐秀色任多才前腔拂烏紗向曉
平眉戴愛并州翦快風生錦綉一戒指領上綉鉞
憑在想身材暗圍腰帶巧眼色劣情懷玉交枝燭花
無賴背銀缸暗擘瑤釵待玉郎回抱相偎愛蟬蟻掩
袖低迴千喚佯將一度回相挑巧着詞兒對挽流蘇
羅幃顫開結連環紅襦懊解前腔鸞鷺蝶駭亂春纖
抵着郎腮壓花枝要折新蓓蕾那管得豈蕊含胎迸
破紅雲玉峽開斜杓沁露荷心靄喫緊處花香這回
斷送人腰肢幾擺漿水令憶年時紅鬆翠窄正初婚
膩腋雲烟坐郎兜裡倒郎懷薰籠卸袜繡鳳眠鞋細

軀捱含顰待此兒受用疼還耐、拭紅綃、拭紅綃、斜燈
送睽、移綉枕、移綉枕、引被佯推前腔、下鴛帷、嬌殘薄
黛臨粧、鏡巧對瑤臺、暗尋閑事笑還咲、餘紅偷覷、碎
蕊愁揩、衣桁前、簾櫳外、蘭房新婦深深拜、賀新人、賀
新人、許多丰采、那郎君、那郎君、底樣情懷、尾聲、青玉
案、紫瓊盃、枕茗盤、殮對舊醅、重開鳳燭、宴冰媒、

洞房花燭

錦堂月、吹錦雲、鮮、流珠日、煖春光、蟬連畫院、鏤牒簾
紋、笑隱芙蓉、嬌面、金莖蝶半簇、華翹香、樹蛾滿、塢絲
蠶、合、持觴勸、看取才子佳人、百年姻眷、前腔、歡宴、橘

浦仙媛、蘭陵貴士、同進花臺法膳、月醴華清、銀稜翠
勺、河源金平脫、半筋萍、盡畫油奩兒家禁、合前前
腔、宛轉、綉履墻偏、瓊纖縫表寒、玉煖笙初轉、新樣釵
篦、點鬟招弄、嬋娟、星星語透竹玲瓏、款款催貼花檀
串、合前前腔、情盼、織女星傳、美人虹闕、暗禡盡鸞金
線、襯體紅綃、燭夜花房如茜、長頭錦翠、答空男、同心
枕、夜明如願、合前醉翁子、堪羨、這才華定、參時彥、怕
京都紙價高、洛陽花賤不淺、似海樣深恩、何處金珠
買翠鈿、合成姻眷、但學天邊明月、四季團圓、前腔開
辨、你蚤晚要魁金殿、看織錦回文、裁紈歌扇、情願對

熱惱梅花，一縷真香結誓言。合前。僥僥令燈花紅笑，
顫高燭步生蓮。且喜闌夜口脂香碧唾，環影耀金蟬。
愛少年。前腔。顏配春暈，顯花月好難眠。無奈斗轉銀
虬，催漏悄。翠鳳裊鬟偏待曉天。尾聲。黼帳流蘇度百
年。作夫妻天長地遠，還願取桂子蘭孫滿玉田。

訊問紫簫

桂枝香燈輝月耀，紅訛翠擾，莫不是絳殿容華，早罷
却衙口。燼燎怨重，閨壘瑣，怨重閨壘瑣。洞房空曉鏡
臺空老，乘月步招搖，別有處知音也。暗引瓊簫出鳳
翹。前腔。金宮魚藻，彤輝鶴草，似這般銀鑰羈鸞，怎做

得雕籠去鳥，恁宮監老伴，恁宮監老伴，被圖對召，抄
名暗叫，春滿睡紅綃，似這般憔悴也，羞殺容華金步
搖，前腔搔頭鳳，嬌檀心翠巧，若不是度曲韓娥，定只
是縈情蘇小，向殿頭供奉，向殿頭供奉，傳梅索笑，歌
蘭合調，隨例雜簫韶，因此上偷將也，按譜覓裳，趁六
么，前腔章臺夢悄，橫塘路杳，若還是絳樹梨園，怎不
帶柘枝花帽，和衫裙長俏，和衫裙長俏，雲棚斷掃，紅
墮罷，無分逐花妖，若題起洞簫也，鳳侶曾經素手

招

集賢賓 宮花漢殿曾分笑，賜梁園玉葉蘭，茗桂樹銀

床心好道攬青絲，素髻無聊慵禁細腰。總放却星矚
月貌修行蚤，可知是淮王不老。前腔隴西士族當年
少似凌雲逸氣飄飄，玉樹風前冰雪皎。綴新篇□□
瑤包簪裾累朝，香名滿玉堂風調。龍欲跳看咫尺鵬
溟鳳沼。前腔藍田種壁初垂燿，愧微軀不似瑤瑤。只
為十二雲衢燈月好，攪芳心對影華宵。更深麗譙斷
羣處鴻迷鵲遶，心縈躁對殘燭淚紅多少。前腔歸雲
背月金蓮小，殿西頭暗拾瑤簫紫陌遊童喧未了。怕
宵征薄行橫挑，寧歸法條。倘遇着龍顏鳳表，明訴告
也。顯得夜行分曉。琥珀猫兒墜，生小香娃絕世心靈。

功多露泣不能自任冰壺徹底見清標待曉奏送孤
鸞還歸鳳條前腔睡鳥驚啼墜月金莖表願借蘭臺
分綺照還聞天語墜雲霄難曉蚤賜金雞還飛鵲橋
尾聲芙蓉別殿頰相奏鳳管偷吹倘見饒還有花燈
送出中人導

分鞵記

窮途母女

一江風嘆兒郎隔別如霄壤虛我憑閭望自尋思我
暮景無多不耐烟嵐瘴跋涉苦難量跋涉苦難量迨
迨岐路長想白髮一夜三千丈前腔憶嬌娥俄爾輕拋

放渺渺無踪嚮，恨窮途便插翅高飛，怎覓花模樣。一
日幾迴腸，一日幾迴腸，如禁萬刀芒，別離苦都撮在
眉尖上。(步步嬌)莫不是牧童忘却牛羈鞅，莫不是出
洞翻波蟒，莫不是離羣避夫狼，莫不是草木妖魔烟
霞魍魎，驟見起驚張，頓令膽碎神魂喪。(前腔)你莫不
是澤中老嫗悲蛇相，莫不是濮上淫奔嫖，莫不是桑
間遊冶娘，莫不是巫女伶仃，湘姬飄蕩，彷彿未端詳。
教人疑慮難消暢。

(玉胞肚)乍離閨幌，遇飄零其實可傷，歷幾處霧嶺烟
岡，恨晨昏勞瘁，驚惶相逢萍水，怡顏慈範似萱堂，慰

我顛連在異鄉，前腔裙釵慨慷，在流離動止有常。幸
如今邂逅相親，便優待恩義汪洋，同行共處窮途從。
此免淒涼，深慰孤踪，寄遠疆。尾聲向窮崖，尋依傍，樹為
幃幙，石為牀，寂寞黃梁夢怎長。

村居寄跡

小桃紅宿雲猶濕，晴霧初收，浙瀝鳴山溜也。可柰桑
榆景，顛沛浪中舟。魂黯黯，恨悠悠，只見那曙光微嶺。
氣濃，風聲吼也。捱幾箇黃昏，和白晝，猛回首望家鄉。
空贏得鬢飈飈。下山虎盈盈泪粉，注在雙眸，無限途
中味。萬千縷愁，他只為手握兵符，身寄他州，却把門

桴一旦休、追省從前事、怨氣沖沖噴斗牛、去去人家
近、且問路頭、未語人前、先自羞、

園亭邂逅

祝英臺、暖風微、清晝永、綠蔭遶迴廊、花鳥弄奇、山水
交輝、都是我的愁囊、堪傷亂離中、骨肉參商、經歲相
懸霄壤、這懷抱、空自因時、悽愴、前腔偷望他是玉為
肌、花比貌、嫵媚多、明朗、疑是洛水麗姝、巫峽嬌娃、勝
似內家紅粧、心癢、最堪憐、翠蹙春山、淡掃何須、張敞
且相見、問他歷履、端詳、前腔遙想我嚴君、威權貌貅、
無計護金湯、百度戰兢、萬里奔馳、不幸困於遐荒、悽

惶那堪影獨形單、顛顛當時模樣、多管是弱魄沙場
埋築前腔、休悵我和你異姓同親、才貌又相當、旦暮
起居、內外行藏、彼此共為依仗、堪賞信是有緣千里
相逢、誰謂山遙水廣、從今後忘却窮途愁况、

書齋問疾

駐馬聽、悶掩紗窓、路接桃源曲、逕芳只為千般豔冶、
一種溫存、曉夜徬徨、怎能魂夢到伊行、鳳衾得意翻
紅浪、幕地思量、兩眸情泪難收放、前腔、俏步書堂、只
見他、隱几呻吟、不上床、好一似、屈原憤重、宋玉愁多、
清減容光、你看碧梧翠竹、影淒涼、孤形隻影、空相向、

且免思量旅中存問須無恙

素帶兒蒙垂問自那日園亭見雅粧消瘦了擲果舊
時模樣心愁萬縷長經幾度無聊欲斷腸我還思想
邀雲期兩夢遶高唐昇平樂惆悵花間款曲枉蜂晴
斜睨蝶翅偷忙蘭心蕙性非比路蓋堤楊堪傷少年
司馬易輕狂錯認做文君情況不須凝望十二巫峰
夢斷襄王素帶兒羈縻在虜鄉雲山渺茫銷魂處怎
禁得暮雨斜陽風流債肯償早成就韓生秘閣香堪
嘉賞雙飛鴻鵠並舞鸞鳳昇平樂才郎少年顛沛當
冷飽留雪艱貞不喪建功立業應須把帝居丕壯端

詳閑花野草競芬芳，豈堪入綉幃珠幌。還期同歸故苑，好共百年衾帳。尾聲姻緣前定，非虛謊。莫把精明暗裏傷。管取帶綰同心誓，久長。

月夜勸夫

梁州序。冰輪澄朗，金波溶灩，漸漸滄溟明遍。雲收天濶，琉璃萬頃，周旋疑是素娥新練。液雪飛霜，透徹清虛殿。今宵何夕也，最嬋娟。枕簟涼生，未是眠。合三五夜，萬千怨。望鄉關杳杳，魂將斷，清泪洒。怕人見。前腔江山疑盡，烟霞如練。誰把瓊瑤通碾。飛空蟾魄，垂光偏照華筵。只見逍遙玉宇，縹緲瓊樓，彷彿姮娥面。俏

然清思爽，頓忘倦。徙倚闌干，懶去眠。（合前）前腔最可
憐。一派青天正天際，十分光滿。見霧潤塵稀，參橫斗
轉，謾有輝侵玉質。香濕雲鬟，月下人堪羨。相看携素
手，共淒然。何處笙簫慰客眠。（合前）前腔看冰濤雪浪
無邊。洗離愁不勝消遣。正水晶簾捲，昭回庭院。但見
玉盤輕度，銀漢無聲。瀟洒尤堪戀。殘粧猶未卸，鬢蟬
亂寒粟生肌。怯夜眠。（合前）前節節高扶疎桂影圓。彩霞
翻銀葩，星暈如懸點。香風扇樽俎間。絃歌畔，庾樓清
况真無限。不知蓮漏催銀箭。（合）歸興翻然欲跨鸞。柰
何雙鬢無能健。前腔鰲峰湧翠烟。斷還連。驚飛鷓鴣。

南枝遠、明河落、萬川浮、千山嶽、光華總是今宵占、願
教皎皎長無變、合前尾聲、流年暗覺頻頻換、對良宵
離恨轉添、暫得歡娛強笑宣、

夫婦分鞵

尾犯序、雙壁久塵埋、燕爾新婚、數月恩愛、雨潤雲溫、
乍綢繆、兩懷寃債滿、承望百年契好、誰料得、一朝輕
解、分明是高唐殘夢、瞬息便驚回、前腔、懊恨不勝哀、
驟解香囊、輕分羅帶、祇為狐疑、乃翻成禍胎、難買笑
蓉枕、連株不斷、鸞鳳帳、雙飛可再、從今後、雲山兩處、
一樣獨徘徊、前腔、嗚咽兩分鞋、執此相期、姻緣還在、

魂遠關河、嘆身居萬萬、難擺、猛可的柔腸已斷、豈能
保芳顏、莫改、倘不遂、比肩共穴、誰掩我枯骸、前腔、彼
此互携鞋、准擬他年、傾否開秦、足下雙雙、羨同行一
堦、除害早脫、恁天羅地網、不負我盟山誓海、那時節
重圓破鏡、仍照舊荆釵、前腔、怨覆我椿臺、弱女飄零、
倒懸求解、萬里專征、望干戈速來、深拜喜、當時劉郎
入洞、痛今日王嬙出塞、別離去、叮嚀無數、怨氣動飛
灰、

翁堦敘情

北新水令興元二載、銅張家作蟬吟、香縈新結、思惟

深且遠，誦語婉還切。藻鑒超越，激勸俺歸中土。恢王
業，南步步嬌，堪傷身陷豺狼穴。杜宇空啼血，雲山萬
里餘。四載睽違，真成遺子，窮途方訂雲雨盟。無端喋
喋輕饒舌，北折桂令。坐談中杯影，弓蛇把肺腑機關。
做禍患萌蘖，霎時間弄巧成拙。雷轟風冽，折散蒹葭。
醜虜的威似鈇鉞，割恩愛分鞋相別。猛地心熱，追思
兩下裡，鳳隻鸞孤，到今日暗銷魂。花殘月缺，南江兒
水。說到堪傷處，難饒腸寸裂。紅顏命薄，遭蹉跌。歲寒
方見松筠節，料應不改冰霜潔。且把雙眉舒結，指日
平安定，保得蓮輿迴轍。北雁兒落帶得勝令。運鬼神

的計團圍，暗把機關設。撼乾坤的事，完成誓把忠貞
竭。掀翻恁海水，決踏賀蘭山。成破缺，馳鐵騎，掃胡羯。
方見得君讐雪，撐達早踐了那分鞋。舊時話說，欣悅
咱管取百年緣，終再合也。南僥僥令門楣，無限恨，棒
景夕陽斜，爭柰骨肉恩深難拋捨。正幸得君家心似
鐵，北收江南。呀，正兔絲和那親瓜葛，肯把他一朝割。
須知盟山誓海，怎消滅。願得王征有嘉，免教人垂頭
兩處各凝咽。南園林好，擁貔貅，威權可誇奮。干戈英
雄愈加興，元路仍歸中夏。還重會，舊渾家，雙鷓鴣，再
穿花。北沽美酒帶太平，令關山遠，幾登涉，雲縹緲，萬

重遮插翅凌空似可合，夢鄉雙蝴蝶。嘆遷延許多歲月，恐辜負那人嬌怯。拴不穩我心猿意馬，挽不住他杏腮桃頰。堪嗟堪嗟，論愁恨連接呀，這相思幾時休歇。
(南尾)運籌決策須明哲，戮力同心毋替也。看取飛鏡動金闕。

分鞋復合

(紅納襖)莫不是偶遺忘道路間，莫不是託行囊相代管。莫不是合經商旅次同炊爨，莫不是着做裘狼狽在家園。想他別後重遇呼韓，恐刀斧下難逃大限。敢則是棄舊怜新，道我野草閑花也。故把那日分鞋暗

連還前腔我乃是陝西來行路難奉公差刻期到此
難容緩為先年屢遭失散廣捱尋跋涉恁關山張萬
戶有些相干趙老嫗有些牽絆我相公恢復中原已
得將相威權也便是舊日分鞋程德遠前腔我祇為
這鞋兒眼望穿我祇為這鞋兒洒淚乾何期得一雙
雙今日重相見怎知我似孤松歷盡雪霜寒縱不能
一處團圓也免却兩地眉攢可與我致意相公并那
夫人也須道舊愛新歡總一般前腔我相公展鴻圖
致中興拜大官幾年間披忠肝瀝義膽衝霄漢深見
得宗弘氣節肯把糟糠斷到如今孤幃寂寞尚未偶

鴛鴦還念着結髮容顏再共翠幃春暖他只因誓海
盟山也特把舊日分鞋覓配完

合鏡記

德言尚主

畫眉序麟趾映文昌貳室何堪過褒獎喜秦娥今日
有意憐香承厚寵祿愧千鍾逢盛典榮迎百輛合狀
元猶尚天朝主人間此福無雙前膽禁嚮稱東床寶
帶朱衣照金榜論榮華爭似恁種德馨香賦穠華羞
比王姬雷翠臉昵須張敞合前前腔文彩冠班行派
出天潢六宮長念金枝綴爾總為書香華蟲繡簇錦

繪榆孔雀展泥金屏障合前前腔蝶粉間蜂黃紫霧
雲鬟動欽仰似神仙謫降果杜蘭香春心在豈蔻梢
頭兩意滿丁香結上合前滴溜子謾說道好夫妻鸞
同鳳兩見清揚果是幽閑素養已知身非凡相更相
逢此夜良風清月朗耿耿三星門闌氣爽鮑老催緣
從天降喜見藍田壁種雙宛如神女下高唐胡然天
胡然帝驚塵壤文章綵筆珠璣晃從今未數麝蘭芳
天香染惹衣襟上滴滴金銀筆翠管韻悠揚綸巾綵
額新翻狀蘭膏鳳腦照畫堂更有玉樹歌臨春唱歌
聲繚繞金尊玉笋相親傍合盃同年恩深愛廣歌拍

笙歌聲裏香風宕，想包茅吉士惱情腸。感聖德如天
樣，從今後無離曠。整與王家作棟梁。

賜鏡公主

金井水紅花，水殿荷香細。瑤臺竹影層，翠羽蘸清冷。
倒空明，寒光搖映。真箇是清涼無汗，玉女下瑤京。風
隱珮環輕也囉，凌波和你笑，指鷓鴣戲水眠沙。雙雙
頭並合秦臺蕭史，文章俊英，皇陵帝子，幽閑嫺婷。一
雙兩好天生定。前腔槐蔭侵衣潤，榴花照眼明。眼睨
啼黃鶯，弄嬌聲呼朋相應。好似俺芳年伉儷，情擬蔥
蘭馨，美滿賽卿卿也囉。新婚和你燕爾相承，愧主頻

繁無違恭敬合前

滾遍臨絨灑氣迎臨絨灑氣迎照見雙鸞影晶光逼
體心膽俱安靜喜沾奇寵何當僥倖合據忠貞無隱
蔽同斯鏡前腔中無暗浪驚中無暗浪驚竦慄心肝
冷臉映芙蓉紫霧香鬢艷喜瞻奇遇纔分偏正合前
尾聲菱花頌及多榮幸受此隆恩當刻銘願取百歲
團圓佐聖明

樂昌分鏡

四朝元青蓮光映良人赴遠往正碧雲天氣玉露風
景更添珠淚零柰陽關疊興柰陽關疊興唱斷暮雨

朝雲做了曉露風燈，情割鸞腸，愛分鸞頸，一旦成孤
另。嗒愁思滿瑤京，雨打梧桐，教我後夜同誰聽。青燈
半錦屏，明月雙蓬鬢。合倘情緣未竟，生生死死這場
分鏡。前腔鸞封朝諍，暮遷白帝城，恨離觴輕罷，把往
事重省。鳳幃非舊境，歎銀瓶斷綆，歎銀篋斷綆，只見
他瘦似黃花，我浪若浮萍，急景催人疎林難倩，我安
敢遲君命。嗒，撇不下楚腰輕，水篋銀床，教我有夢空
形影重逢，未可憑，再會須前訂。合前

小桃紅白蘋江路，紅蓼烟汀，滿目西風勁也，只見霜
林外，越鳥向人鳴，勾引起，劍關情，說甚麼恨難消，恁

難平情難罄也。只是運合風波須自警，海角成俄頃。
淚痕兩并，愁壓雕鞍不易行。（下山虎）一鞭殘照萬里，
長亭戀戀人難去也。應此別未輕說甚，老死京華怎
敢偷生錦城。一似蟾落寒江影更清，報國忠猶秉還
向蠶叢謁孔明。倚遍危樓望長笛，幾聲斷送人歸細。
柳營。

錦衣香。紅淚滴，青鸞映，形雖破，光猶瑩。恨殺奸讒禍

貽斯鏡。可憐當日照眉清，豈知遭妒對此含顰似一

輪明月。今日裏將玉斧剖分，滿地殘星慘受着劫運。

各收一半，他日相徵，灑水令提掇起血泪交零痛殺

卷之五 頁五十一 二二二

我心摧氣哽，儼如半月印滄溟。兩處孤懸，殘輪缺影。
嘆人物，罹災青，都緣數蹇。被人凌送，忙收領，忙收領。
價比連城，謀先定，謀先定。仗爾為盟，餘文秦淮拜別。
烟花暝，萬古情緣事可矜。直待皓月同圓，恨始平。

破鏡再合

香柳娘見殘輪斷魄，見殘輪斷魄，令人驚怪。心頭展
轉生感慨，更添吾慘傷。更添吾慘傷，引得淚盈腮。青
鸞影猶在，問蒼頭梗槩。問蒼頭梗槩，此鏡緣何破壞。
誰人遣來賣，前腔告官人聽解。告官人聽解，鏡雖破
壞，無情決不輕相貸。聽言詞渾淪，聽言詞渾淪，你不

必苦疑猜、同歸少相待、這幽期似海、這幽期似海、宿
願已成、乖團圓、恐難再、前腔、嘆清光、契洽、嘆清光、契
洽、看來堪愛、逢人只欠說、成敗想塵埋、數年、想塵埋
數年、出自一胚胎、今復成一塊、我是侯門遣來、我是
侯門遣來、他六載守空幃、常時鎖眉黛、前腔、為兵戈
事改為兵戈事、改人離家敗、把菱花為記來、分解、詫
盤龍甚奇、詫盤龍甚奇、定數已安排、人謀豈能揣、歎
睽離數載、歎睽離數載、物意兩和諧、懷人果何在、
山桃紅、寸箋煩拜、滴泪修裁、早知道、因伊害、何如休
到錦塔、為你冒死跟尋、為你偷生草萊、你須察此言、

體此情、比別後形容邁也、誰道姻緣夙世來、合這會
合由真宰、此情可哀、只恐鏡月空圓、人怎諧、前腔似
精衛填海、怨苦無涯、急回報說君情態、喜得人存物
在、免得他目斷歸鴻、免得他臨風洒酒、他若看此書、
覩此緘料、他必定愁顏解也、不似湘江帝女懷、合前

楊素探問

獅子序、蒙尊問、心慘悽、念奴是吳郎舊妻、含羞掩淚、
欲語難題、若不是恪守着臨危的約誓、怎肯捱朝夕、
在帝里、惜孱軀、淹畱人世、只恨着王師壓境、貴賤奔
馳、太平歌奴愴惶裏、伉儷兩難依、因此剖破菱花、與

他為表記擬在上元佳節下那時遣人出賣為憑據
奴只要保藏殘影遂心機意密敢聞知賞官花今朝
逢此期遣蒼頭去賣取天街邂逅花燈裏他忽見此
轉酸恹可憐數載絕無紅葉至誰想今日遇此斷腸
詩前腔須知非是奴驚疑只怕已瘁的枯枝敢希連
理全憑擡舉莫使着離鸞做兩下孤飛你休悲這是
天然的會合管教你相見在須臾莫道是難收覆水
還見鏡月兩光輝

夫婦團圓

駐馬聽往事堪悲說起教人珠泪垂那日天兵南下

宰執無人國破家危一時間戎馬遍郊畿不分貴賤
皆逃避却了朝衣却從死裏去求生計前腔禍到夫
妻好似同林鳥自飛恐無徵不信議把鸞刀剖破盤
璃各藏一半暗相隨他年轉合相徵據倘爾我無虞
上元時節出賣都城燈市前腔數載流離幸到長安
都市裏忽遇蒼頭賣鏡引到蕭園問取詳細各將鸞
影訴幽期只見菱花契合無差異仰止提携萬方千
里永傳名譽前腔我昔摠戎機解甲秦淮清夢裡忽
有神人囑付道有婦投江他守志忘軀着吾撈救謾
狐疑更令他結拜為椿樹不必悲啼管教夫婦重諧

伉儷

不是路舉步遲遲堂上頻呼未知為甚的休驚避你
良人驀自天涯至淚交頤和你飄飄一似風中絮豈
料今朝重會伊真奇異你看月圓鏡圓人又圓頓成
三美頓成三美

憶多嬌深感激難報取願你鵬程鶴筭躋萬里把你
義海恩山銘心髓合月影無虧月影無虧照取人歸
鏡裏前腔遭運否分鳳侶看你郎才女貌真無比與
你保奏朝廷加名位合前

玉交枝舍人公主這機關其間甚微謀深總是曹娥

謎今日裏打破方知我推恩愧無此市奇您清風整
有西山趣合羨雙雙羅敷葛屨看娟娟韓憑翠羽前
腔徵公高義念離情甘為死灰此生再合非容易難
禁這痛苦流離山陽笛慘怕頻吹菱花鏡滿羞重對
合前前腔秦淮兵潰望叢祠將身竄依若非水母神
靈庇險些兒困辱塗泥何期公相救殘軀今朝免做
黃泉鬼合前前腔逃生蘆內戴黃冠羞為楚纍奔投
大俠名元會吳門裏幾載羈縻歸來故園皆已非空
山轉覺身狼狽合前

新刻羣芳類選卷十六